

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՎՐՈՊԱԿԱՆ  
ՄԻՈՒԹՅԱՆ ԵՐԿՐՆԵՐ ԶԿԱՆ և ԶԿՆԱՄԹԵՐՔԻ  
ԱՐՏԱՀԱՆՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ**

**ՆԱԽԱԳԻԾ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

**Ո Ր Ո Շ ՈՒ Մ**

\_\_\_\_\_ -ի 2026 թվականի N \_\_\_\_ -Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՎՐՈՊԱԿԱՆ ՄԻՈՒԹՅԱՆ ԵՐԿՐՆԵՐ**

**ԶԿԱՆ և ԶԿՆԱՄԹԵՐՔԻ**

**ԱՐՏԱՀԱՆՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով Սահմանադրության 146-րդ հոդվածի 4-րդ մասը և «Սննդամթերքի անվտանգության մասին» օրենքի 6-րդ հոդվածի 1-ին մասի 23-րդ կետը՝ Հայաստանի Հանրապետության կառավարությունը **որոշում է.**

1. Հաստատել Հայաստանի Հանրապետությունից Եվրոպական Միության երկրներ ձկան և ձկնամթերքի արտահանման կարգը՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

## **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

**ՎԱՐՉԱՊԵՏ**

**Ն. ՓԱՇԻՆՅԱՆ**

Հավելված

ՀՀ կառավարության 2026 թվականի

\_\_\_\_\_ -ի N \_\_\_\_ -ն որոշման

### **ԿԱՐԳ**

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԻՑ ԵՎՐՈՊԱԿԱՆ ՄԻՈՒԹՅԱՆ ԵՐԿՐՆԵՐ**

**ՁԿԱՆ և ՁԿՆԱՄԹԵՐՔԻ ԱՐՏԱՀԱՆՄԱՆ**

### **1. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կարգով կարգավորվում են Հայաստանի Հանրապետությունից Եվրոպական Միության երկրներ ձկան և ձկնամթերքի արտահանման հետ կապված հարաբերությունները:

2. Հայաստանի Հանրապետությունից Եվրոպական Միության երկրներ թույլատրվում է արտահանել ԵԱՏՄ ԱՏԳ ԱԱ 0203, 0303, 0304, 0305, 1604 ծածկագրերին դասվող ապրանքները:

3. Հայաստանի Հանրապետությունից Եվրոպական Միության երկրներ արտահանումը հնարավոր է, եթե ձկնաբուծական տնտեսությունները և ձկնամթերքի արտադրական կազմակերպությունները (այսուհետ՝ տնտեսավարողներ) գրանցված են Եվրոպական Միության Առևտրի վերահսկման և մասնագիտական համակարգում (այսուհետ՝ համակարգ):

4. Համակարգում գրանցումը իրականացվում է, եթե Սննդամթերքի անվտանգության տեսչական մարմնի կողմից (այսուհետ՝ լիազոր մարմին) սույն կարգի և Հայաստանի Հանրապետության օրենսդրության սահմանված կարգի համաձայն:

## **2. ԵՎՐՈՊԱԿԱՆ ՄԻՈՒԹՅԱՆ ԱՌԵՎՏՐԻ**

**ՎԵՐԱՀՍԿՄԱՆ ԵՎ ՄԱՍՆԱԳԻՏԱԿԱՆ ՀԱՄԱԿԱՐԳՈՒՄ**

**ԳՐԱՆՑՄԱՆ ՆՊԱՏԱԿՈՎ ՊԱՀԱՆՋՎՈՂ ՓԱՍՏԱԹՂԹԵՐԸ**

5. Ձուկ և ձկնամթերք արտահանելու նպատակով՝ տնտեսավարող սուբյեկտը (այսուհետ՝ դիմումատու) լիազոր մարմնի պաշտոնական

Էլեկտրոնային փոստի հասցեին բացառությամբ համացանցի խափանման դեպքում թղթային եղանակով ներկայացնում է դիմում համաձայն N 1 ձևի, որին կցվում են սույն կարգի 6-րդ կետով պահանջվող փաստաթղթերը:

6. Սույն կարգով համակարգում գրանցման համար անհրաժեշտ փաստաթղթերն են՝

- 1) իրավաբանական անձի գրանցման վկայականի պատճենը,
- 2) տարածքի գծապատկերը և հիմնական շինությունների լուսանկարները,
- 3) տեղեկատվություն անվտանգության կառավարման համակարգերի վերաբերյալ,
- 4) ներդրված ՎՎՀԿԿ համակարգի սկզբունքների վրա հիմնված ընթացակարգերի հաստատված պլանը,
- 5) ջրի որակի լաբորատոր փորձարկման արդյունքները,
- 6) արտադրության տեսակը՝ համառոտ նկարագիրը,
- 7) տնտեսավարող սուբյեկտի կազմում գործող բոլոր առանձնացված ստորաբաժանումների անվանումները և գտնվելու վայրը՝ հասցեն, հեռախոսահամարը և Էլեկտրոնային փոստի հասցեն,
- 8) արտադրության կազմում գործող բոլոր առանձնացված ստորաբաժանումներում իրականացվող գործունեության տեսակները,
- 9) տարածքների և ենթակառուցվածքների (արտադրական տարածքների, վերամշակման գոտիների, օգտագործվող սարքավորումների և պահեստային հզորությունների վերաբերյալ) վերաբերյալ տեղեկատվություն,
- 10) արտադրության տեսակը՝ ձկնաբուժական տնտեսություն կամ ձկնամթերքի արտադրական կազմակերպություն կամ սառնարանային պահեստ,
- 11) բուժվող կամ վերամշակվող ձուկ և ձկնամթերքի տեսակները,
- 12) արտահանման նպատակով ներկայացված ապրանքի ԵԱՏՄ ԱՏԳ ԱԱ ծածկագրերը,
- 13) եթե տնտեսավարողը արտահանում է ձկնամթերք, որը ներառված է

Անհետացման եզրին գտնվող վայրի կենդանական ու բուսական աշխարհի տեսակների միջազգային առևտրի մասին կոնվենցիայի (ՍԻԹԵՍ) «CITES» ցուցակներում նշել արտահանման թույլտվության (արտոնագրի) տվյալները,

- 14) տարեկան արտադրության ծավալ/ հզորություն (կգ/տոննա/հատ),
- 15) տեղեկատվություն ձկնաբուծարանների տեսակի (բաց ջրային կամ փակ համակարգ, կամ հոսքային կամ համակցված կամ այլ)
- 16) տեղեկատվություն գործառնական ռեժիմի և ռիսկերի գնահատման վերաբերյալ,
- 17) տեղեկատվություն օգտագործվող ջրի աղբյուրի վերաբերյալ,
- 18) տեղեկատվություն օգտագործվող կերի վերաբերյալ,
- 19) տեղեկատվություն հիվանդությունների կանխարգելման և մշտադիտարկման վերաբերյալ,
- 20) տեղեկատվություն անասնաբուժական հսկողության վերաբերյալ,
- 21) տեղեկատվություն թափոնների կառավարման վերաբերյալ,
- 22) տեղեկատվություն ջրահեռացման և մաքրման համակարգերի վերաբերյալ:

### **3? ԴԻՄՈՒՄԻ ԵՎ ՓԱՍՏԱԹՂԹԵՐԻ ՈՒՍՈՒՄՆԱՍԻՐՈՒԹՅԱՆ**

#### **ԳՈՐԾԸՆԹԱՑԸ**

7. Լիազոր մարմինը դիմումում նշված էլեկտրոնային փոստի

հասցեին ծանուցում ուղարկելու միջոցով՝ դիմումատուին էլեկտրոնային հաղորդագրությամբ տեղեկացնում է ներկայացված դիմումի և կից փաստաթղթերի ստանալու մասին:

8. Լիազոր մարմնի կողմից փաստաթղթերը ուսումնասիրվում են յոթ աշխատանքային օրվա ընթացքում:

9. Դիմումը ներկայացնելուց հետո երկու աշխատանքային օրվա ընթացքում դիմումում և կից փաստաթղթերում տեխնիկական բնույթի սխալներ, ջնջումներ, վրիպակներ հայտնաբերելու կամ ներկայացված փաստաթղթերը թերի լինելու դեպքում էլեկտրոնային եղանակով տեղեկացնում է դրա մասին դիմումատուին՝ հնարավորություն տալով եռօրյա ժամկետում շտկել թերությունները:

10. Դիմումը ներկայացնելուց հետո՝ եռօրյա ժամկետում, տեխնիկական բնույթի թերությունները շտկելու նախաձեռնությամբ կարող է հանդես գալ նաև դիմումատուն:

11. Անհրաժեշտության դեպքում լիազոր մարմինը դիմումատուից կարող է պահանջել լրացուցիչ փաստաթղթեր:

12. Սահմանված ժամկետում թերությունները չշտկելու դեպքում դիմումը մերժվում է և մերժելու վերաբերյալ եզրակացությունը մեկ աշխատանքային օրվա ընթացքում թղթային կամ էլեկտրոնային եղանակով տեղեկացվում է դիմումատուին:

#### **4. ԵՎՐՈՊԱԿԱՆ ՄԻՈՒԹՅԱՆ ԱՌԵՎՏՐԻ**

#### **ՎԵՐԱՀՍԿՄԱՆ ԵՎ ՄԱՍՆԱԳԻՏԱԿԱՆ ՀԱՄԱԿԱՐԳՈՒՄ**

#### **ԳՐԱՆՑՄԱՆ ԸՆԹԱՑԱԿԱՐԳԸ**

13. Արտահանման թույլտվություն ստանալու և համակարգում գրանցվելու նպատակով լիազոր մարմինը Հայաստանի Հանրապետության օրենսդրության սահմանված կարգով իրականացնում է ստուգում

արտահանման նպատակով դիմում ներկայացրած դիմումատուի մոտ:

14. Ստուգման շրջանակներում Հայաստանի Հանրապետության կառավարության սահմանած կարգի համաձայն կատարվում է նմուշառում մնացորդային նյութերի հսկողության նկատմամբ:

15. Ստուգումը իրականացվում է պետական վերահսկողություն իրականացնող պաշտոնատար անձի (այսուհետ՝ տեսուչը) կողմից՝ տասնհինգ աշխատանքային օրվա ընթացքում:

16. Ստուգման ընթացքում խախտումներ չհայտանբերելու դեպքում՝ տեսուչի կողմից կազմվում է համապատասխանության եզրակացություն, որի հիման վրա լիազոր մարմնի կողմից դիմումատուն մեկ աշխատանքային օրվա ընթացքում գրանցվում է համակարգում և ներկայացվում է Եվրոպական Հանձնաժողովին՝ հաստատման:

17. Եվրոպական Հանձնաժողովի կողմից հաստատումը ստանալուց հետո՝ լիազոր մարմինը մեկ աշխատանքային օրվա ընթացքում էլեկտրոնային փոստի միջոցով տեղեկացնում է դիմումատուին, ինչպես նաև տրամադրում է գրանցման համարը:

18. Գրանցման համարը ստանալուց հետո՝ տնտեսավարողը համակարգ մուտք գործելու համար ստեղծում է իր օգտահաշիվը:

19. Ստուգման ընթացքում խախտումներ հայտանբերելու դեպքում՝ տեսուչը խախտումները վերացնելու վերաբերյալ տալիս է հանձնարարական՝ սահմանելով կատարման համար ժամկետ՝ համաձայնեցնելով դիմումատուի հետ:

20. Համաձայնեցված ժամկետում լիազոր մարմնի կողմից կրկին իրականացվում է ստուգում՝ հայտնաբերված խախտումների վերացման ուղղությամբ:

21. Խախտումներ չհայտաբերելու դեպքում՝ գրանցումը իրականացվում է սույն կարգի 16-րդ կետի համաձայն:

22. Համաձայնեցված ժամկետում խախտումները չվերացնելու դեպքում՝ տեսուչի եզրակացության հիման վրա դիմումը մերժվում է և մեկ աշխատանքային օրվա ընթացքում էլեկտրոնային փոստի միջոցով տեղեկացվում է դիմումատուին:



ՄԱՆԴԱՄԹԵՐԻ ԱՆՎՏԱՆԳՈՒԹՅԱՆ  
ՏԵՍՉԱԿԱՆ ՄԱՐՄԻՆ

(լիազոր մարմնի անվանումը)

ԴԻՄՈՒՄ

Դիմումատու՝ \_\_\_\_\_

(տնտեսավարող սուբյեկտի պաշտոնը, անունը, ազգանունը)

\_\_\_\_\_

(հեռախոսահամարը և էլեկտրոնային փոստի հասցեն)

\_\_\_\_\_

(գործունեության ոլորտը/տեսակը)

Գտնվելու վայրը՝ \_\_\_\_\_

(իրավաբանական անձի գործունեության իրականացման վայրը)

Իրավաբանական անձի պետական գրանցման համարը, \_\_\_\_\_

Հարկ վճարողի հաշվառման համարը

\_\_\_\_\_

Խնդրում եմ ՀՀ կառավարության սահմանած կարգի համաձայն՝ Եվրոպական Միություն ծուկ/ձկնամթերք արտահանելու նպատակով՝ հաշվառել Եվրոպական Միության Առևտրի վերահսկման և մասնագիտական համակարգում:

---

Դիմումին կից ներկայացնում եմ ՀՀ կառավարության որոշմամբ սահմանված փաստաթղթերը \_\_\_\_\_:

Հայտնում եմ, որ ներկայացված փաստաթղթերում առկա տվյալներն ամբողջական են և հավաստի:

?????????? \_\_\_\_\_

(ստորագրությունը)

\_\_\_\_\_ 20 թ.